




Literatura den Bon Dia

Ernesto E. Rosenstand



E SOMBRA DEN NAN EXISTENCIA

Y esunnan cu sa ta con ta habri caminda ta esunnan mas interesante. Nan ta esunnan cu ta trece bida den e ambiente friu di un sala di spera. Pasobra kere mi e salanan aki por ta hopi friu, no solamente relaciona cu temperatura, ma tambe cu ambiente. Mayoria di biaha ta reina un silencio profundo cu ningun hende kier kibra. Bo ta haya e impresion cu e presentenan no ta confia otro. Y ta prefera di keda keto y no cuminsa cu ningun sorto di combersacion.

Tin cu si ta loco pa comborsa y nan ta percura pa bo lubida ora y no cunsumi ora bo ripara cu cos ta bayendo mescos cu cangreu, ni pa dilanti ni pa tras. No tin ningun sorto di movecion. Tur hende ta a pa expectativa. Ta parce cu docter no tin ningun sorto di pura.

Esei mes ta haci cu hopi ta busca refugio na e revistanan cu tin riba e mesa mei mei di e sala. Loke atrobe no ta di satisfactorio ei. Pasobra nan ta asina bieu cu bo no ta haya ningun articulo interesante mas.

Y di e foldernan cu tin relaciona cu diferente malesa, masha poco e pashentnan ta haci uso di nan. Parce cu nan tin miedo di coi un di nan lesa. Hopi ta kere cu si nan bai lesa riba e diferente malesanan nan por haya esakinan. Pues pa mas sigur nan ta evita esaki dor di no lesa nada relaciona cu malesa. Revistananan riba mesa ta mas bieu cu Matusalem. Nan a core un bida hopi interesante mes. Na prome luga famia di e docter a lesa nan. Despues nan ta bai pa otro miembro di famia, kisas despues te asta pa amigo. Y ora cu a saca nan placa anto nan ta bai sosega riba mesa di e consultorio den un estado cu si e tabata un hende nos por a bisa cu nan t'ei den cuido intensivo.

Mayoria di biaha ni completo nan ta. Pasobra si tin algo interesante den algun di nan, ta mira rond y di un manera pushi pushi ta ranca e blachinan cu tin e articulo aki. E hendenan aki tin e mesun mal ehempel cu e muchanan di scol cu mester traha un turno oral y ta bai biblioteca busca material cu nan mester y luga di copia o saca copia di loke nan tin mester nan ta hacie hopi mas facil, ta ranca loke nan tin mester bai cas cu ne. Dor di esei mayoria di nan no ta completo. Mayoria di e revistanan aki ta bai riba redo den bida di artistanan o miembro di famia real Y no ta tur hende gusta esaki. Ma esunnan cu ta busca contacto cu otro esei ta otro asunto. Nan ta pone e consultorio biba. Ta obliga tur hende participa. Dado momento tur hende ta mete la pata. Bon, no tur. Tin cu apesar di e combersacionnan ameno ta keda scondi den

pensamentonan cu ningun hende ta haya sa. Nan tin miedo di duna nan opinion. O nan no kier pa otro haya sa con bobo nan ta. Kisas nan ta preocupa cu e resultado cu nan lo bai tende. Ta conoci cu na un consultorio o cerca barbero bo ta haya informacion fresco. Ei bo ta tende cronica di un sociedad. Hopi biaha di cosnan cu no ta ser publica den medionan di comunicacion. Y si esei ta e caso den e lugarnan aki bo ta haya nan cu mas detaye.

Detayenan cu bo no tabata kere cu lo por ta posibel. Anto a todo color. Y loke ta mas interesante ta cu maske cu e barbero ta papia co'i kens tog bo ta dun'e rason, pasobra bo tin miedo cu di un pa dos e por bai usa e navaha cu cua e ta trahando cu ne. Pues di tur manera bo mester percura pa e no rabia. Admiti tur su bobedadnan.

Anto no lubida taxistanan. Mi shon! Nan ta clase aparte. Esakinan mas tanto si ta experto den tereno di politica. Bon, den tur cos. Si bo kier ta al tanto di con bida politico di un pais ta, subi un taxi y puntra e taxista. Ta parce cu nan ta spera e pregutan aki, pasobra asina bo haci nan, nan ta cuminsa cu nan disertacion.

E ta conta bo na placa chiki con e asunto ta. Y con lo e mester tabata. Nunca e situacion politico di a pais ta bon. Y esei mes ta haci cu nan ta experto den critica. No ta porta cua partido ta na gobierno, pa nan politiconan no ta di confia. Y lo mas interesante ta cu nan no ta conta bo con e situacion ta, ma tambe con, segun e, con mester haci pa soluciona tur e problema den cua e sociedad ta.

Lastima cu ningun politico ta scucha nan. Pasobra si esei tabata e caso anto nos por a elimina tur e cantidad di coodinador y consultant cu ta cana rond dasha sin haci nada. No, nan ta haci algo. Fin di luna nan ta cobra. Anto capitalazo. Pues si a consulta cu e taxistanan nos lo a spaar masha hopi placa. Si esei tabata e caso anto nos lo tabata biba den sociedadnan ehemplar. E hendenan aki tin un soltura pa papia cu si bo no ta al tanto di e berdadero situacion lo bo bai kere nan. Nan ta experto na busca manera di tene bo atencion bibo. Y nan ta hole ta den ki direccion bo kier bai y pa complace bo nan ta sigui bo. Sin a studia sicologia nan ta bon sicologo.

Y e ta tene bo na liña coriendo dor di luganan unda cu bo no mester ta, pa despues dal bo un cara abou cu un prijs cu si bo tabata sa esei di antemano lo bo no a subie, ma bo a cana bai unda cu bo mester tabata. Lo a sali bo hopi mas barata, maske bo no a haya e cantidad di informacion cu el a duna bo.

Den tur cultura nos tin creencia cu ta parti di e cultura ei.

Hopi di e creencianan aki ta bayendo perdi.

Esaki pa diferente motibo.

Un di nan ta cu sociedadnan ta modernisando.

Esaki mes ta haci cu nan no por keda claba den loke antes tabata pasa.

Mas primitivo un pueblo ta mas creencia nan tin.

Y poco poco esakinan tambe ta bayendo perdi.

Esaki naturalmente ta di lamenta.

Dor di e perdida aki cultura ta bira poco mas pover.

Ata algun creencia conoci den diferente pueblo.

Nan tabata bisa cu si bo kier pa un bishita bai line anto bira un basora.




**MANTENE
ARUBA LIMPI**



**tirando bo
sushi den
bari.**

Danki di antemano



Literatura den Bon Dia

Ernesto E. Rosenstand



Refrescando nos Papiamento

SALI

SALI TA UN VERBO CU VARIOS NIFICACION.

SALI BAI
PARCE
DEFENDE

USO

EL A SALI AWOR EI.
EL A SALI PA SU TATA.
EL A SALI P'E.

EL A BAI AWOR EI.
E PARCE SU TATA.
EL A DEFENDE.

EXPRESIONNAN

EL A SALI LIBER.
MI NO TA SALI CU NE.
A SALI MANERA EL A BISA.

MI NO POR WANT'E.
A PASA MANERA EL A BISA.



PALABRANAN

Ernesto E. Rosenstand

Desapareciendo

IDIOMA TA DINAMICO.
CONSTANTEMENTE E TA CAMBIA.
PALABRANAN TA DESAPARECIENDO.
OTRONAN TA DRENTA.
ESEI MES TA HACI CU E TA BIBA.
NO USA PALABRA NOBO SIN TIN MESTER.
UN PALABRA CU TA DESAPARECIENDO TA;

ESEI TA AYERA

E TA NFICA:

BAI GAÑA PUSHI

BAN PURBA RECUPERA ALGUN DI E
PALABRANAN AKI.

Nos Cultura RELIGION NA ARUBA

Den simannan pasa nos a trata religiosidad aki na Aruba. Nos a trata catolicismo. Manera nos tur sa mayoria di nos pueblo ta catolico. Awe nos lo trata algo di protestantismo. Esaki ta e di dos religion akin a nos isla. Kerkinan protestant nos tin tres. Un na Playa, otro na Piedra Plat y un den Lago Colony. Ma protestantismo tabata mas concentra na Playa. Na Piedra Plat nos tin un nucleo di famianan protestant. Nos tin e fenomeno cu den un famia nos por tin un taki protestant y e otro catolico. Den hopi caso esaki a origina dor di matrimonionan mixto. Pues parehanan di diferente religion. Esaki a percura pa famianan no a keda cu e mesun religion. Nos tin tambe varios grupo di protestant. Nan no ta di e grandi ei. Ma nos mester bisa cu nan ta hopi activo si. Mas y mas nos ta tendiendo di nan delaster tempo

Donkey Sanctuary Aruba

After the introduction of the automobile the Donkeys were set free. Because many of them lost their habitat, (housing projects all over the island, heavy traffic), mistreatment and ignorance, the Aruban Donkey today is at the edge of extinction.

There are 25 volunteers who take care of the wounded, mistreated and neglected Donkeys.

April 14, 1997 the foundation "Save our Donkey" was established. We started by gathering 13 Donkeys who continuously crossed the main road at Pos Chiquito. Endangering the heavy traffic and themselves.

Come spend some time with us. There are guides present who would enjoy;

- * Telling you about the history of the Donkeys in Aruba
- * Showing you around
- * Answering your questions

We are located in Santa Lucia. Turn to the right at "Ayo Rock Formations" and after half a mile you will find the sanctuary on your left.

Open every day. For opening hours please call 5841063 - 5684091 - 9656986 - 9648221
Check our website at: www.arubandonkey.org

